


Bosna i Hercegovina  
Federacija Bosne i Hercegovine  
Srednjobosanski kanton  
JU "Centar za obrazovanje, sport i kulturu"  
tel/fax: 030/265-304 Transakcioniračun: 1414385320010585  
E-mail: nerminagudic@hotmail.com Identifikacioni broj: 4236295420004

Broj: 04/19  
Datum: 30.01.2019.godine



**OPĆINA GORNJI VAKUF-USKOPLJE**  
**OPĆINSKO VIJEĆE**

PRIMLJENO: 30. 01. 2019.			
ORG. JED.	BROJ	PRILOGA	VRIJED
01-05-	10/19		

Predmet: Odgovor na vijećnička pitanja, dostavlja se.-

Poštovani,

Dostavljamo Vam odgovor na vijećnička pitanja koja su postavljena na 17. sjednici Općinskog vijeća Gornji Vakuf-Uskoplje.

1. Zašto nema vode u pojedinim svlačionicama u Sportskoj dvorani?  
Vode u Sportskoj dvorani u svim svlačionicama ima, izvršili smo uvid tako da nismo pronašli nigdje kvar.
2. Zašto dvorana nije zagrijana iako su svi računi plaćeni?  
Dvorana je zagrijana onoliko kolike su mogućnosti, i to nema nikakve veze sa plaćenim ili neplaćenim računima. Problem zagrijavanja dvorane treba sistemski riješiti jer niz je nedostataka ( predulaz, otvori ispod tribina, servisiranje kalifera) koje ćemo nastojati riješiti u toku 2019.godine .

Direktor Gudić Nermina



**JKP "RADOVINA" D.O.O.**  
**GORNJI VAKUF-USKOPLJE**  
**UL.MEHMED BEGA STOČANINA BB**  
**70240 GORNJI VAKUF**

Broj: 03-09.1-42/1/19

Datum 22.01.2019.godina

OPĆINSKO VIJEĆE		24.01.2019	
JKP "RADOVINA"	OPĆINSKO VIJEĆE	GRADSKO VIJEĆE	GRADSKO VIJEĆE
01-05-	10/19		

## OPĆINSKO VIJEĆE GORNJI VAKUF-USKOPLJE

Poštovani,

Na 16. sjednice Općinskog vijeća Gornji Vakuf-Uskoplje, održane dana 20.12.2018. godine, postavljeno je vijećničko pitanje koje se odnosi na djelokrug rada JKP "Radovina" d.o.o. Gornji Vakuf-Uskoplje, gospođe Brzika Amre o promjeni redoslijeda odvoza komunalnog otpada iz gradske zone.

Obzirom da politika preduzeća kada je u pitanju organizacija odvoza smeća takva, da se odvoz uvijek vrši u prvoj smjeni i to se primjenjuje dugi niz godina, a kako ne raspolažemo sa viškom radne snage nismo u mogućnosti obezbjediti odvoz smeća u drugoj smjeni.

Do sad nismo imali problema sa odvozom komunalnog otpada, izuzev zimskih uslova, kada se odvoz vrši otežano. Probleme također stvaraju automobili i dostavna vozila koja se zaustavljaju po slobodnoj volji u gradu, odnosno ne zaustavljaju se na predviđena parking mjesta, već na mjesta koja nisu predviđena za to.

Ukoliko se u nekom budućem periodu stvore uslovi za odvoz smeća u drugoj smjeni mi kao preduzeće će mo nastojati organizovati takav vid usluge.

Postavljanjem velikih kontejnera u gradskoj zoni zapremine 5 m<sup>3</sup> smatramo da smo uveliko rasteretili uže jezgro grada kada je u pitanju gomilanje komunalnog otpada.

U Gornji Vakuf-Uskoplje 22.01.2019. godine



Direktor:


Nahid Šehić dipl.ing.tehn.

*Nahid*





Broj:04-23-sl/18  
Datum:04.02.2019. godine



**Općinsko vijeće**  
**Općina Gornji Vakuf - Uskoplje**

Predmet : Odgovori na vijećnička pitanja sa 16. sjednice Općinskog vijeća općine Gornji Vakuf - Uskoplje

**Kadir Kičin – SDP BiH**

Pitanja:

1. Molim Vas da nam dostavite izvještaj o izvršenju projekta rekonstrukcije Gradske ulice! Da li su ispoštovani rokovi, iz kojih izvora sredstava se finansira I faza rekonstrukcije ako u Budžetu nema kreditnih zaduženja?
2. Šta je općina i općinski načelnik preduzeli po pitanju prolaska Regionalnog projekta plinovoda kroz našu općinu?

Odgovori:

1. Ugovor o izvođenju radova „Rekonstrukcija vodovodne, kanalizacione (fekalne i oborinske) mreže Gradske ulice i užeg urbanog dijela općine Gornji Vakuf – Uskoplje Faza 1“ vrijednosti 4.166.333,63 KM potpisan je 01.08.2018. godine od strane općine i izvođača radova Konzorcij „Izgradnja Tojaga“ d.o.o. Mostar i „Mukić – Komerc“ d.o.o. Jajce. Rok za realizaciju radova je 180 dana od datuma uvođenja u posao. Obzirom da su nastupili nepovoljni vremenski uslovi praćeni velikim kišnim i snježnim padavinama i da su radovi morali biti prekinuti doći će do produženja roka. Prva faza se finansira iz Općinskog Budžeta, granta Fonda za zaštitu okoliša FBiH u visini od 400.000,00 KM, granta Ministarstava Srednjobosanskog kantona oko 370.000,00 KM, i kredita EIB (Evropske investicijske banke) iznos kredita za cijeli projekat je 3.093.970,51 KM sa grace periodom 6 godina i otplatom od 25 godina. Općinska, grant ili kreditna sredstva za ovaj projekat se isplaćuju Izvođaču radova nakon uredno potpisane i ovjerene situacije radova koju na kraju odobrava Jedinica za upravljanje projektom formirane u sastavu Federalnog ministarstva vodoprivrede, poljoprivrede i šumarstva (PMU).
2. U skladu sa članom 4. stav 5. Zakona o koncesijama ("Sl. Novine Srednjobosanskog kantona", broj 8/09, 6/13 i 9/15) Ministarstvo privrede, uz saglasnost Vlade Srednjobosanskog kantona broj: 01-02-426/2015 od 4.9.2015. godine, pristupilo je organizovanju izrade Studije ekonomske opravdanosti dodjele koncesije izgradnje distributivnog sistema i distribuciju prirodnog gasa za područje općina Jajce, Donji Vakuf, Bugojno i Gornji Vakuf-Uskoplje. Nosilac projekta, izrade Studije za gasifikaciju je Vlada Srednjobosanskog kantona. Izrađen je finalni nacrt Studije ekonomske opravdanosti izgradnje distributivnog sistema i distribucije zemnog gasa za područje općina Jajce, Donji Vakuf, Bugojno i Gornji Vakuf-Uskoplje. Studija je uzela u obzir rezultate prethodno urađenih Studija za sektor prirodnog gasa za BiH, Srednjobosanski kanton, trenutnu situaciju i planove razvoja šire u regiji/ovom dijelu Evrope u smislu stvaranja novih perspektiva u obezbjeđenju novih pravaca snabdijevanja gasom. Studija kroz poglavlja prezentira sve parametre na osnovu kojih bi se mogle donositi poslovne odluke o izgradnji, eksploataciji i održavanju mreže prirodnog gasa na području općina Jajce, Donji Vakuf, Bugojno i Gornji Vakuf-Uskoplje. Naredni korak koji je potrebno provesti je izgradnja transportnog sistema gasa iz pravaca Travnik – Gornji Vakuf-Uskoplje i Travnik – Jajce, što će omogućiti gasifikaciju područja obuhvaćenog



općinama Busovača, Vitez, Novi Travnik, Travnik, Gornji Vakuf-Uskoplje, Bugojno, Jajce, Donji Vakuf. Nakon izgradnje transportnog sistema potrebno je provesti proceduru javnog poziva za dodjelu koncesije od strane Vlade SBK, a uz saglasnost Općinskih vijeća svih općina. Osnovne postavke o koncesijama u gasnom sektoru date su u Uredbi sa zakonskom snagom o organizaciji i regulaciji sektora gasne privrede ("Sl. Novine Federacije BiH", broj 83/07). Jedna od bitnih odredbi ove Uredbe je sadržana u članu 28. i glasi: "Koncesija za izgradnju distributivnog sistema i distribuciju gasa na području gdje ne postoji distributivni sistem daje se na osnovu javnog poziva pod uslovom da će izgradnja distributivnog sistema omogućiti isporuku kupcima najmanje 7 miliona m<sup>3</sup> gasa godišnje. Iznimno, koncesija za izgradnju distributivnog sistema i distribuciju gasa može se, uz prethodno odobrenje Ministarstva, dati i u slučaju ako izgradnja nove mreže neće omogućiti isporuku krajnjim kupcima najmanje 7 miliona m<sup>3</sup> gasa godišnje, ako to opravdavaju razlozi sa aspekta geografskog područja na kojem se gradi sistem, zaštite okoline i prirode i/ili politike privrednog razvoja tog područja, te postoji ekonomska opravdanost. Ministarstvo daje odobrenje za ovo izuzeće na osnovu zahtjeva kantona koji daje koncesiju i dokumentacije koja opravdava zahtjev za izuzeće".

Postupak dodjele koncesije se određuje u skladu sa Zakonom o koncesijama Bosne i Hercegovine ("Sl. Glasnik BiH", broj 32/02), Zakonom o koncesijama Federacije Bosne i Hercegovine ("Sl. Novine Federacije BiH", broj 40/02), Pravilnikom o postupku dodjele koncesije Federacije Bosne i Hercegovine ("Sl. Novine Federacije BiH", broj 17/06), te kantonalnim zakonima o koncesiji. Za predmet ove Studije od značaja su odredbe Zakona o koncesijama Srednjobosanskog kantona. Neki od koraka koje je potrebno provesti u budućnosti su:

- Podnošenje dokumentacije i svih saglasnosti za dobivanje urbanističke saglasnosti;
- Izrada glavnog projekta gasne distributivne mreže uz obaveznu recenziju koju će organizirati općine Jajce, donji Vakuf, Bugojno i Gornji Vakuf-Uskoplje;
- Pribavljanje svih saglasnosti za izgradnju projektovane mreže;
- Zaključivanje dugoročnog ugovora s isporučiocem gasa;
- Izgradnja gasne mreže i pribavljanje odobrenja za upotrebu;
- Utvrđivanje općih i tehničkih uslova za priključivanje na gasnu mrežu i isporuku gasa krajnjim potrošačima;
- Uspostava funkcionalne organizacije, te dokazivanje materijalne i kadrovske osposobljenosti za poslove distribucije gasa u skladu s važećim propisima;
- Priprema dokumentacije i pribavljanje dozvola za obavljanje djelatnosti koja je definisana ugovorom o koncesiji.

Obzirom na navedeno jasno je da je projekat gasifikacije Srednjobosanskog kantona, pa i naše općine, u nadležnosti Vlade SBK i da naša općina nema velikih nadležnosti i mogućnosti u dinamici realizacije ovog projekta.

#### **Karamustafić Naser – SDP**

Pitanja:

1. Ko je zadužen za čišćenje trotoara u općini Gornji Vakuf – Uskoplje i zašto to ne radi na ispravan način?
2. Ko je kriv za ne „čišćenje“ ulica u općini Gornji Vakuf – Uskoplje, preduzeće koje je nesposobno ili ne može to da uradi, ili možda mi koji smo dali monopol tom preduzeću da to radi?

Odgovori:

1. Općina Gornji Vakuf-Uskoplje je potpisala Ugovor za čišćenje trotoara sa JKP „Radovina“ doo G.Vakuf-Uskoplje koji realno gledajući nemaju potrebni kapacitet za održavanje istog. Pošto se radi o trotoaru uz sami magistralni put pri čemu prilikom svakog prolaska ralice od strane „Cesta F BiH“ po istoj, snijeg sa magistralnog puta je ponovo i na očišćenom trotoaru. Također postoji mnogo problema između radnika izvođača i građana koji isto tako sav snijeg iz dvorišta iznesu na javne površine, te je potrebno iznalaženje boljeg rješenja s obzirom na stanje na terenu i mogućnosti izvođača radova odnosno JKP „Radovina“.



2. Općina Gornji Vakuf-Uskoplje je potpisala Ugovore za čišćenje snijega sa JKP Radovina doo G.Vakuf-Uskoplje za održavanje 133,20 km puteva koje posjeduje 5 mašina za čišćenje snijega (1 veći i 1 manji unimog, malo vozilo za čišćenje užih ulica, 1 kamion s ralicom i Volvo) i isti je izabran u proceduri po ZJN. Od nabrojanih pet mašina samo jedna mašina Volvo je sposobna nositi se sa ovakvim padavinama, ali niti vozač niti mašina ne mogu pokriti svih 133,2 km puteva, tako da gdje ne dođu nije ni očišćeno, pa se intervencija JKP Radovine produži na dva do tri dana dok u međuvremenu manje mašine pokušavaju održati komunikacije „prohodnim“. Radnici izvođača radova JKP Radovina zaista rade do iznemoglosti, ali je efekat zbog naprijed navedenog ne zadovoljavajući. Bez dovoljno potrebnih sredstava, dovoljnog broja mašina prikladnih za naše podneblje odnosno shodno pravilniku o održavanju puteva i dovoljnog broja rukovaoca istima učinak izostaje.

Ostali izvođači radova JKP VIK doo Gornji Vakuf-Uskoplje, koji sa dvije mašine JCB i Kamion održava sjeverozapadni dio općine (MZ Bojska, MZ Pajić Polje, MZ Grnica, MZ Ploča) odnosno puteve dužine 37.4 km radi sa manje primjedbi, kao i Pegasus doo G.Vakuf-Uskoplje koji održava MZ Pidriš i put za Radušu dužine 13,1 km.

### **Ivo Posavac – Hrvatska lista**

Pitanje:

1. Tko je odgovoran za „rad“ odnosno ne rad zimske službe, koliko izvođač radova posjeduje strojeva za čišćenje snijega i kako je moguće da ni nakon tri, četiri dana postoje ulice u gradu koje nisu očišćene?

Odgovor:

1. Općina Gornji Vakuf-Uskoplje je potpisala Ugovore za čišćenje snijega sa JKP Radovina doo G.Vakuf-Uskoplje za održavanje 133,20 km puteva koje posjeduje 5 mašina za čišćenje snijega (1 veći i 1 manji unimog, malo vozilo za čišćenje užih ulica, 1 kamion s ralicom i Volvo) i isti je izabran u proceduri po ZJN. Od nabrojanih pet mašina samo jedna mašina Volvo je sposobna nositi se sa ovakvim padavinama, ali niti vozač niti mašina ne mogu pokriti svih 133,2 km puteva, tako da gdje ne dođu nije ni očišćeno, pa se intervencija JKP Radovine produži na dva do tri dana dok u međuvremenu manje mašine pokušavaju održati komunikacije „prohodnim“. Radnici izvođača radova JKP Radovina zaista rade do iznemoglosti, ali je efekat zbog naprijed navedenog ne zadovoljavajući. Bez dovoljno potrebnih sredstava, dovoljnog broja mašina prikladnih za naše podneblje odnosno shodno pravilniku o održavanju puteva i dovoljnog broja rukovaoca istima učinak izostaje.

Ostali izvođači radova JKP VIK doo Gornji Vakuf-Uskoplje, koji sa dvije mašine JCB i Kamion održava sjeverozapadni dio općine (MZ Bojska, MZ Pajić Polje, MZ Grnica, MZ Ploča) odnosno puteve dužine 37.4 km radi sa manje primjedbi, kao i Pegasus doo G.Vakuf-Uskoplje koji održava MZ Pidriš i put za Radušu dužine 13,1 km.

S poštovanjem,




Pomoćnik načelnika  
Suad Šišić, dipl. ing.





Ul. Fra Anđela Zvizdovića bb, tel ++ 30 494 068, faks: 494 101, e-mail: [gospodarstvo@gornjivakuf-uskoplje.ba](mailto:gospodarstvo@gornjivakuf-uskoplje.ba)

Broj : 03-14-SI/19  
Datum: 14.1.2019.



OPĆINSKO VIJEĆE  
Gornji Vakuf-Uskoplje

PRIMLJENO: 05.02.2019.			
ORG.JED.	BROJ	PRILOGA	VRIJED
01-05	10/19		

**Predmet :** Odgovor na vijećničko pitanja , - dostavlja se,

**Kadir Kičin SDP -**

**Pitanje :**

- Koji će stav općina i općinski Načelnik Gornji Vakuf-Uskoplje zauzeti po pitanju zatvaranju rudnika „Gračanica“ i premještanja na drugu lokaciju ?.**

**Odgovor:**

„(Eksploatacija uglja u „Gračanici“ započela je 1938. godine s podzemnom metodom otkopavanja koja je trajala do 1977. godine kad se prešlo na površinsko otkopavanje koje je i sada prisutno. Lokacija pogona i postrojenja ZD Rudnik uglja "Gračanica" d.o.o. Gornji Vakuf – Uskoplje, se nalazi u jugoistočnom dijelu bugojanskog neogenog ugljonošnog bazena, na desnoj obali rijeke Vrbas, između Gornjeg Vakufa – Uskoplja i Bugojna, na padinama Radovan planine, na prostoru sela Rosulje. Ležište uglja "Dimnjače" i direkcija Rudnika "Gračanica" sa svim pratećim postrojenjima i objektima za proizvodnju lignita nalazi se na granici područja opština Gornji Vakuf – Uskoplje i Bugojno, u jugoistočnom dijelu bazena, 9 km od Bugojna, odnosno 9 km sjeverozapadno od Gornjeg Vakufa – Uskoplja, na desnoj strani rijeke Vrbas.

Ležište "Dimnjače" predstavlja jugozapadni dio ležišta "Rosulje" – Gračanica. Sjeverozapadna granica ležišta počinje od završetka eksploatisanog kopa "Odžak – Zanesovići" i pruža se na jugoistok prema upravnoj zgradi Rudnika uglja "Gračanica", što po dužini čini 2000 m, a po širini do 800 m. Produktivna površina ležišta iznosi oko 0,8 km<sup>2</sup>.) – izvor informacije [www.elektroprivreda.ba](http://www.elektroprivreda.ba).

„(U Travniku je 30.4.2014. godine potpisan Ugovor o koncesiji za istraživanje uglja lignita na lokalitetu Kotezi u općini Bugojno između Vlade Srednjobosanskog kantona i Zavisnog društva Rudnik uglja "Gračanica" koje posluje u sastavu JP "Elektroprivreda BiH". Ugovorom je Rudnik uglja "Gračanica" ostvario pravo na istraživanje lignita na lokalitetu "Kotezi" u periodu do 14. februara 2016., na površinskom polju od 2.121 hektara.

Kantonalni premijer Tahir Lendo kaže da je riječ o veoma značajnom resursu za Srednjobosanski kanton i Federaciju BiH.

Ministar privrede SBK-a Sedžad Milanović kazao je da su na ovom lokalitetu i ranije vršena istraživanja koja moraju biti završena, a procjene govore da je riječ o jednom od najvećih bazena uglja gdje je strategijom planirano ulaganje u izgradnju termoelektrane.

**"Ovo je višemilionski projekt i strateški projekt na području našeg kantona. Pored "brze ceste" koja je u završnoj fazi, otvaranje novog kopa Kotezi i izgradnja Termoelektrane Bugojno na potezu između Bugojna i Gornjeg Vakufa-Uskoplja je taj drugi značajan projekt. Ukoliko u cjelosti dođe do njegove realizacije bit će uloženo između 300 i 400 miliona eura",** izjavio je nakon potpisivanja ministar Milanović.

Direktor Rudnika "Gračanica" Salih Muftić rekao je da su u ovom preduzeću svjesni obaveza i odgovornosti i da će ispuniti sve obaveze kako bi nakon toga dobili i koncesiju za eksploataciju uglja. **"Ukoliko istraživanja pokažu dobre rezultate to bi moglo značiti nova ulaganja od oko 3 miliona maraka i zapošljavanja oko 200 radnika uz postojećih 200 zaposlenih"**, dodaje Milanović. Po okončanju istraživanja koncesionar će moći od nadležnog ministarstva za rudarstvo tražiti provođenje procedure za eksploataciju, uz prethodno pribavljanje saglasnosti lokalne zajednice i ostale potrebne dokumentacije.)" izvor informacije: Akta.ba - vodeći poslovni portal u Bosni i Hercegovini) Ove navedene činjenice ne govore u prilogu tome kako se zatvara rudnik Gračanica te se pomjera na drugu lokaciju, odnosno radi se o proširenju proizvodnje – iskopa uglja na prostoru općine Bugojno, te stvaranja novih vrijednosti kao i otvaranje novih radnih mjesta.

S poštovanjem!

